

英格蘭國腳哈利卡尼，年屆32歲至踏入職業生涯最高峰，開季至今帶領德甲拜仁慕尼黑所向披靡領導群雄，亦協助英格蘭國家隊橫掃世盃外，提早出線決賽周！卡尼承認現時無論生理心理狀態都前所未有咁強，今季有信心挑戰一切獎盃，甚至感覺已到時候，在明年7月幫助英格蘭在美國高舉世界盃！

32歲登生涯最高峰

哈利卡尼準備好捧世界盃！

卡尼在開季至今，代表拜仁及英格蘭合共出賽14場，已經取得22個入球！同期全歐洲只有曼城夏蘭特比他多一球。卡尼在接受《每日郵報》專訪時深情表白：「我嘅狀態比過去任何時候都要好！除咗身體狀況一流外，依家我處於擁有豐富經驗嘅年齡，心理上亦完全成熟！我好興奮，無論係拜仁定英格蘭，我嘅球隊都可以創造好多機會，我對自己的把握能力亦好滿意，所以每次落場都有信心入波！」

對於自己在現階段仍然不斷進步，他歸功於拜仁教頭高柏尼：「幾乎每支球隊對住拜仁都會採取深度防守，我嚟到慕尼黑嘅第一季雖然都入好多波，但結果擺唔到錦標。不過經過同教練經常交流，我會更多時間回撤禁区外擺波，然後同隊友作第一時間配合，減少自己強行突破！無論表現同數據，大家都見到進步成效！依家我經常兼顧埋策劃工作，但又唔影響入球效率同數字！」對於今季在拜仁的目標，他坦言要挑戰一切錦標：「上季我哋嘅盃賽表現唔好，但依家大家都更有信心，尤其歐聯戰線提升成績！我哋都有決心挑戰三冠王殊榮！」

酷熱比賽知道點適應

除了拜仁，卡尼明言在明夏將世界盃帶返英格蘭，是他的生涯終極目標，而且有信心可以實現：「我覺得係時候啦！英格蘭目前陣容好強，我哋已經兩度打入大賽決賽，雖然輸波，但已經累積咗足夠



■協助英軍提早出線世盃決賽周。



■今年5月在拜仁贏得人生首個錦標。



■中午時間在酷熱的美國踢世盃經驗，成為卡尼捧世盃心願的底氣。

經驗！杜曹執教對我哋嚟講係好事，但擁有盃賽成功經驗，對我哋會好有幫助！」卡尼更表示拜仁在今夏的世冠盃經驗，更增添他在明夏世盃決賽周交出好表現的底氣：「我哋喺美國經歷艱難時刻，喺酷熱天氣下中午比賽，嗰種滋味之前未試過，但試過之後，我知道我會點樣去適應！」卡尼甚至對未來金球獎有憧憬，他在過去兩季都成為德甲神射手，並贏得德甲冠軍，但金球獎只獲第13名，但卡尼相信，只要今季每方面都持續取得更好成績，個人榮譽自然會來！



■相信杜曹（中）成功經驗幫到英格蘭。



■與拜仁教頭高柏尼交流，令卡尼取得更大進步。

■哈利卡尼處於生涯最佳狀態。

喜留德國 延後考慮返熱刺

哈利卡尼與拜仁的合約到2027年屆滿，由於他的表現更上一層樓，英格蘭傳媒不斷傳出他回歸英超的問題。當中最大誘因



■舒利亞（右）聲稱只有哈利卡尼才有機會打破他的英超紀錄。

是挑戰舒利亞的260個英超入球歷史紀錄，現時他已經有213個，只差47球。早前舒利亞亦表明，只有卡尼有機會打破他的紀錄。卡尼與拜仁合約到2027年，一直有報道指合約有低價買斷條款，為他在明夏回歸英超鋪路。

不過，卡尼効力拜仁踏入第3個球季，最令他感到高興的，是家人在慕尼黑生活過得很開心：「我嚟德國除咗希望捧盃之外，亦想體驗不同文化，不過依家同慕尼黑已經建立起深厚感情，同好多人成為真正朋友，而且太太同子女嗰度生活得非常好！」卡尼表明自己永遠心懷熱刺：「我未考慮到幾



■卡尼強調永遠心懷熱刺。

時返熱刺嘅問題，但唔排除將來有呢一日，我永遠關注佢哋嘅動態，佢哋亦永遠係我生活嘅一部分！但到呢一刻，我想留嚟慕尼黑！我同拜仁仲有好多目標要完成，亦準備坦誠對話，研究續約！」相信聽過這番說話，舒利亞會更加安心，因為保住紀錄的機會將大為提高。



■與太太入鄉隨俗，享受慕尼黑啤酒節。